

פרק קמג

- {א} מזמור לדוד יהוה שמע תפילתי האזינה אל תחנוני באמנתך עניי בצדקתך:
- {ב} ואל תבוא במשפט את עבדך כי לא יצדק לפניך כל חי:
- {ג} כי רדף אויב נפשי דכא לארץ חיתי הושיבני במחשכים כמתי עולם:
- {ד} ותתעטף עלי רוחי בתוכי ישתומם לבי:
- {ה} זכרתי ימים מקדם הגיתי בכל פעלך במעשה ידיך אשוּחח:
- {ו} פרשתי ידי אליך נפשי כארץ עיפה לך סלה:
- {ז} מהר עניי יהוה כלתה רוחי אל תסתר פניך ממוני ונמשלתי עם ירדי בור:
- {ח} השמיעני בבקר חסדך כי בך בטחתי הודיעני דרך זו אלך כי אליך נשאתי נפשי:
- {ט} הצילני מאיבי יהוה אליך כסתי:
- {י} למדני לעשות רצונך כי אתה אלוהי רוחך טובה תנחני בארץ מישור:
- {יא} למען שמך יהוה תחיני בצדקתך תוציא מצרה נפשי:
- {יב} ובחסדך תצמיח איבי והאבדת כל צררי נפשי כי אני עבדך: